

Härzlechi Gratulation zum 55. Geburtstag

Liebe Beat,

DU bisch euse Dirigent
bisch pflichtbewusst und kompetent
Mir chöne eus uf dich verloh
am Probe-Donnschtig stoscht du do

Gueti Lune ghört zu dir
bisch äu mol sträng, das schätze mir
Nimsch d'Regischerter einzeln dra
schonsch kei Fräu und äu kei Ma

Am Achte stohsch in Position
verlangsch vo eus de erschti Ton
90 Minute voll am schaffe
zwüschedure äu mol lache

Bim Spile gits es öppedie
eine spilt z'spot de ander z'früh
Wieder Zwe sind am Verzelle
und wüsse nüm was hätte selle

Bitte vöre luege zum Verstoh
wies de Dirigent wot ha
Meischtens gohts äu cheibe guet
das macht eus Freud und git is Muet



Am halbi Zähni hämmer gnue
doch mängisch losch is ned in Rue
„Das Stück nomol - a r t i k u l i e r e“
Doch mir chönd eus nümm
konzentriere

„De Ton muess nochli gnäuer si“
mir danke scho a Bier und Wii
Denn gähnd mer nomol volle Pulle
doch eusi Lippe, die sind gschwulle

So isch es klar, für hüt isch gnue
und mir tüend weidli d'Mäppli zue
mir packe eusi Hörnli i
und gnüsse ändli Bier und Wii

Gäll liebe Beat, das zeigt uf
um eus bruchsch ab und zu vil Schnuf
das alles isch für dich nid neu
drum hoffe mir, du blibsch is treu

Hüt bisch DU de Jubilar
Du fiirsch 55 Lebesjohr
Es söll dir immer ganz guet goh
und s'Glück söll immer bi dir stoh
Mir wünsche Gsundheit und all die
Sache
wo dich im Läbe glücklech mache

Heidi Ammann